



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Henrici || Svsonis Viri Sanctita-||te, Ervditione Et  
Mi-||racvlis Clari, Opera**

**Seuse, Heinrich**

**Coloniae, 1615**

De supremo amantis animi vel spiritus excessu. Capvt XX.

**urn:nbn:de:hbz:466:1-38029**

## CAPVT XX.

**H**is itidem expeditis, rursus Virgo ait: Nihil equidem magis scire velim & ex ipsis scripturis edoceri, quam ubi & quo pacto hominis probè exercitati ratio in immensa illa abyſſo ad supremum scopum suum tendere debeat, ita vt amorosum experimentum cum scripturæ sententia concordet.

Adhæc Minister ex Diuinis literis rationale illi respõsum reddidit, cuius ista erat summa, quantum ad arcanos eius sensus pertinet: Eiusmodi præclarus homo simplici ocio verbum illud sensibus grauidum Domini Saluatoris obseruat, quo ait: Vbi ego sum, illic & minister meus erit. Quisquis ergò austerum illud Vbi, quod Dei filius in cruce moriens pertulit, per imitationem non refugit: possibile, immodè & æquum est ex illius pollicitatione, vt idem ipse iucundum illud Vbi Diuinitatis filij, intelligibili ac felicissima ratione in tempore æternitate magis vel min<sup>o</sup> sentiat & perfruatur, quatenus quidem possibile erit. Sed ubi nam est iucundum illud Vbi Diuinitatis Verbi? Nimirum in ideali lumine Diuinæ vnitatis, quod secundum ineffabile nomen suum nihil est, secundum introversionem essentialis quies & silentium, secundum inuis permanentem egressionem. Trinitas personarum, iuxta proprietatem sui ipsius lumen, iuxta suam increatam virtutum, existentia cuncta producens: ubi spiritus seipsum amittit, & quantum ad actionem

Ioa. 12.

Vbi diuinitatis Verbi ubi nam sit.

eius attinet, deficit ac perit. Arque hic est supremus scopus, & interminabile Vbi, in quo cunctorum spirituum definit (vt ita dicam) spiritualitas: in quo se amiffisse, sempiterna salus est & felicitas. Quod vt exactius perspicias, noueris in ideali lumine Diuinæ unitatis introrsus emanantem esse originem personalis emanationis ex sempiterna Diuinitate, siquidem personarum Trinitas in naturæ unitate inest, & naturæ unitas in personarum Trinitate. Unitas agit per Trinitatem & Trinitas suam habet in unitate facultatem, vt fere Augustinus ait in

August.

libris de Trinitate. Trinitas personarum in se complectitur unitatem ceu naturalem essentiã suam: vnde etiam quælibet persona Deus est, & secundam naturæ simplicitatem Diuinitas est. Ipsa autem unitas in Trinitate distinctè relucet, sed Trinitas quatenus introrsus fertur, in unitate simpliciter relucet, vt in seipsa eã simpliciter complexa est. Pater est origo filij, & Filius ex Patre æternum emanat secundum personæ distinctionem, & intus manet secundum essentiam. Pater & Filius simul producunt Spiritum sanctum: & unitas quæ primæ originis essentia est, etiam trium simul personarum substantia est. Vt autem Trinitas vnum sit, & Trinitas in naturæ unitate vnum sit, & tamen Trinitas ex unitate sit, non potest vllis explicari verbis ob abyssum illius simplicitatē. In hoc intelligibile, Vbi, transfert & immergit sese spiritus hominum perfectorum, atque præ infima sublimitate volitat, præ inexhausta profunditate narat, stupens & admirans alta &

Y 3

natu-

naturam retinet, dum fruitor consensu  
ae eiusdem potentia, intus manentibus, & ta  
men emanantibus personis : manetq; abstra  
ab omni occupatione reru inferiorum, in di  
vinitatis stupenda mysteria intenta acie dehis  
Quid enim tam est admirandu, quam simpli  
illa vnitas, in quam personarum Trinitas simp  
pliciter sese immergit, vbi omnis multipli  
tas subducitur, (quod ita intelligendu est, per  
sonarum emanationem semper referre solent  
eandem diuinæ essentia vnitatem) atque etiam  
creaturæ secundum ideas quas habent in Deo  
in eadem vnitate vitam, scientiam & essentiam  
æterno in Deo habent, vt est in Euangelio, *Quod  
factum est, in ipso vita erat?* Ista nuda vnitas est  
ligonosum silentium, & tranquillum oclum  
quod capere non potest, nisi cui intus illuc  
vera libertas nulli malitiæ permixta. Ea enim  
in vera regeneratione producit, vnde acce  
na relucet veritas omnis expertis falsitatis : qui  
quidem in memorata nuditatis reuelatione  
sese profert. Ibi namq; exiit homo natura  
obsuro illi lumine, quod humano modo cum  
illuc vsq; comitatum est, posteaquam veritate  
pli patefacta est. Enimvero alium quendam  
sese comperit, idq; magis proprie & perspicue  
quam in prioris luminis ratione sese intellexit.  
Quo facit quod Apostolus ait, *Vnus autem  
iam nõ ego.* Atq; ita exiit planè & fit quasi me  
di expertis in simplicis diuinæ essentiae modum  
scientia, quæ rebus omnibus illucet simplici  
quodam silentio : atq; hic permanens discreti  
personarum singulariter acceptarū, in simplici  
ci modum nescio modo amittitur. Vt enim autem  
quidam

Ioan. 1.  
Nuda diuini  
tatis vnitas  
quid sit.

Galat. 2.

quidā, sola patris persona separatim sumpta,  
 non præstat beatitudinem, ut nec sola filij, ne-  
 que Spiritus sancti persona: sed tres simul per-  
 sonæ in essentiæ unitate cohærentes, veram  
 præstant beatitudinem. Et hæc est personarum  
 naturalis essentia, quæ creaturis omnibus ex  
 gratia substantiam vel essentiam præbet: rerū  
 que omnium ideas in se simpliciter & essentia-  
 liter complectitur. Cum igitur ideale illud lu-  
 men Dei, sit eius essentia, in ipso quoque res om-  
 nes secundum ideas essentialiter, non acci-  
 dentali quadam configuratione insunt: & quia  
 rebus omnibus illucet, iuxta luminis proprie-  
 tatem sese habet: sicque res omnes in illa essen-  
 tia relucent cum interno quodam silentio se-  
 cundum essentiæ simplicitatem. Idem intelli-  
 gibile Vbi, unde iam dictum est, vbi fidelis fer-  
 uens cum sempiterno filio vna commorabitur,  
 potest accipi existens illud anonymum Nihilum,  
 vbi spiritus ad unitatis nihilum pertin-  
 git. Ea verò unitas idcirco nihilum appella-  
 tur, quod spiritus nihil possit reperire in tem-  
 pore, quod illi congruat. Sentit tamen spiri-  
 tus contineri se ab alio quodam & à se diuer-  
 so. Itaque verius ibi à nihilo, quam ab aliquo  
 continetur. Et est sanè nihilum spiritui, eo  
 modo quo scire non potest quid sit. Quando  
 igitur spiritus in hac luculenta caligine com-  
 morari incipit, idque adeo, ut seipsum nesciat,  
 omne medium & omnem suam proprietatem  
 amittit, ut D. Bernardus inquit. Hoc verò plū- *S. Bernard.*  
 ve minusve fit, prout spiritus siue in corpore,  
 siue extra corpus, extra seipsum in eam unita-  
 tem excessit, atque seipsum amisit, in DE V M

Y 4 trans-

1. Cor. 15.

transformatus, qui illi iam probe est omnia in omnibus, vt Apostolus ait. In hac sui absorptione, spiritus à seipso deficit, & transit in Deum, non tamen fit ex natura Deus, sed præstatur id ei per gratiam. Est enim res quæpiam, ab aliquo existente creatus. Itaq; dum spiritus supra se rapitur & in Deum absorbetur, amittit ambiguum admirabilitatem in suis ipsius amissione, vbi secundum sensus à seipso deficit, nesciens quicquam de seipso vt seipso. Nam si communiter velimus more loqui, spiritus luculenta diuinae essentia virtute rapitur supra naturæ sue facultatem in huius Nihili nuditatem: siquidem à creaturis modis omnibus absolutus est, & tamen in seipso suum seruat modum peculiarem iuxta suam essentiam. Hic modinescius modus est personarum essentia, quæ eam in se simpliciter ratione perfectissime complexæ sunt. Ista cognitio spiritum (vt dictum est) supra se excedere facit: idq; fit in Nihilo vnitatis secundum ipsum Nihili impenetrabilem cognitionem, ita vt proprium amittat nomen suum spiritus, quippe qui hic sese perdit, seipsum nesciens, & rerum omnium obliuiscens. Quod nimirum cum illi euenit, cum à seipso & tam sui quam rerum omnium creata essentia auersus, ad simplicem quam in diuinæ vnitatis Nihilo habet, ideam se conuertit. In hac diuinissimi Vbi arce, perceptibilis quædam est abyssus, cunctis modis spiritibus præludens: atque inibi spiritus in arcana venit nominis carentiam, & immensam vastitatem, quæ est inexhausta creaturarum omnium abyssus, sed sibi met penetrabilis. Latet eam omne illud, quod ipsa non est, præter quæ



quibus ipsa se vult reuelare vel communicare,  
 quos sanè introrsus recipi & ita quarere, & <sup>Abyssus que</sup>  
 quodammodo ipsam per ipsam cognoscere o- <sup>qualis.</sup>  
 porter, vt sacre habent scriptura: *Videbitus eū*  
*scire est.* Hanc cognitionem non habet spiritus <sup>1. Ioan. 9.</sup>  
 hominis ex seipso: sed vnitas trahit eum in  
 Trinitate ad se, id est, in ipsius supernaturalem  
 habitationem, vbi supra seipsum commoratur  
 in eo, qui eum illo attraxit: vbi spiritus mori-  
 tur, viuens semper in stupendis arcanis diuini-  
 tatis. Ea vero mors spiritus in hoc consistit, q̄ <sup>Mors spiri-</sup>  
 in suo excessu distinctionem non aduertit in <sup>tus in quo</sup>  
 propria essentia. Porro secundum exitum vel <sup>consistat.</sup>  
 emanationem seruat discretionem iuxta per-  
 sonarum Trinitatem, sinitq; res quaslibet dis-  
 criminatim esse id quod sunt, quemadmodum  
 Sapientia Minister in libello veritatis distin-  
 de explicauit. Est insuper aliud quod hic ad-  
 uertere debeas, nempe in memorato illo spiri-  
 tus excessu ex vnitate diuina simplicem radia-  
 re lucem: atq; eam modi expertem lucem tres  
 diuinae personae in spiritus humani purā sub-  
 stantiam mittunt: atque ex huius coruscatione  
 luminis, spiritus à seipso & virium suarum a-  
 ctione deficit, & opere ac spiritu (vt sic dicam)  
 destituitur: quod fit, dum in ea introuersione  
 extra seipsum in incognitam Diuinitatem ab-  
 errauit, amisitq; se in tranquillissimo silen-  
 tio radiantissimae Diuinitatis & simplici vni-  
 tate. In hoc modo nescio vbi, summa beatitudo  
 sita est. Ait Virgo: Papae, quo tandem modo huc  
 pertingemus? Respondit Minister. Audies hoc  
 ex ipso praclarissimo Dionysio, scribente Ti-  
 motheo in hunc modum. Tu verò Timothee  
 charis-

Myſt. Theol.  
cap. i iuxta  
Camaldul.

chariſſime intentiſſima contuendis ſpectaculis  
myſticis exercitatione, & ſenſus linque, & in-  
tellectuales operationes, & ſenſibilem, & in-  
telligibilia omnia, & quæ non ſunt, & quæ ſunt  
omnia: & vt illi iungaris, qui ſuper omnem  
ſubſtantiam, omnemq; ſcientiam eſt, ignotè te  
ipſum pro viribus intende. Enim uerò abs te  
ipſo atq; ab omnibus liberè & abſolutè ac purè  
excedendo, ad ſuperſubſtantialem diuinæ cali-  
ginis radium, ſublatis omnibus, & abſolutè  
ex omnibus euolabis. Et paulò ante: Trinitas  
ſuperſubſtãtialis deitate ac bonitate ſuperior,  
diuinæ Chriſtianorum ſapientiæ præful, dirige  
nos ad myſticorum eloquiorum ſupremum  
incognitum, & lucidiſſimum, atq; eminentiſ-  
ſimum verticem, vbi ſimplicia & abſoluta atq;  
inuerſibilia Theologiæ myſteria ſecundò ſu-  
perluminofam ſilentij in occulto docentia, ſu-  
perliquidiffimamq; caliginem ſunt adoperata  
in denſiſſimis tenebris eum qui plusquam ex-  
cellentiſſime ſplendet, ſuperillucentem, & in  
refugiente omnino tactum atq; inuiſibile, ho-  
neſtiſſimis fulgoribus & plusquam pulcherrime  
excellenter implentem vacuos oculis ſpiritus.

Dionyſij Are-  
opag. ad Tri-  
nitatem ad-  
ſpiratio.

*Epilogus quidam eorum, qua ante dicta ſunt, &  
lucida explicatio.*

#### CAPVT XXI.

**D**Einde virgo ait: Loqueris tu quidem mi-  
ſer Domine ex propria experientia & diuini-  
ſ literis de ſimplici diuinitate, & ſpi-  
ritus effluxu ac refluxu peritè & Catholice. Sed  
dicta